


**Ka Moporesidente
Henry B. Eyring**
Mogakolodi wa Ntlha mo
Boporesidenteng jwa Ntlha



Tsholofelo ya Lorato la Lelwapa la Bosakhutleng

Go tsothe dimpho tsa Rara wa rona yo lorato wa Legodimo a di neetse bana ba Gagwe, e kgolo bogolo ke ya botshelo jo bosakhutleng (bona D&C 14:7). Mpho eo ke ya go tshela mo boleng teng jwa Modimo Rara le Morwa wa Gagwe o Rategang mo malwapeng ka go senang bokhutlo. Fela kwa go jo bo kwa godimodimo jwa magosi a Modimo, selesetiale, go tlaa tswelala lorato la tshwaragano la botshelo jwa lelwapa.

Rotlhe fela re solofela boitumelo jwa go tshela mo loratong lwa malwapa. Go bangwe ba rona, ke maikutlo a re iseng re a itemogele—maikutlo a re itseng a ka kgonaga mme re ise re a lemoge. Re ka tswa re a bone mo matshelong a ba bangwe go ba bangwe ba rona, lorato la lelwapa le lebege le tlhwaafetse e bile le lentle fa loso le re kgaoganyana go tswa go ngwana, mosadi, monna, mokaulengwe, kgaitسادie, kgotsa botsadi jo bo ratang e bile bo ratiwa.

Rotlhe re ikutlwa tsholofelo ya gore letsatsi lengwe re ka nna le maikutlo gape a bothitho a botsalano jwa leloko la lelwapa re mo ratileng thata mme jaanong re eletsa go mo tlamparela gape.

Rara wa rona yo o re ratang wa Legodimo o itse dipelo tsa rona. Maikaelelo a Gagwe ke go re neela boitumelo (bona 2 Nephi 2:25). Mme jalo o neetse mpho ya Morwa wa Gagwe go kgonisa boitumelo jwa tshwaragano ya lelwapa e e tswelelang ka go senang bokhutlo. Gonne Mmoloki o kgaotse dibofa tsa loso, re tlaa tsoga mo baswing. Gonne o lefetse dibe tsa rona, re ka kgona, ka tumelo ya rona le boikotlhao, ra itekanela go bogosi jwa selesetiale, koo malwapa a tshwaragangwang mmogo mo loratong la go senang bokhutlo.

Mmoloki o rometse Moporofiti Elija go Joseph Smith go buseletsa dilotlele tsa boporesiti (bona D&C 110). Ka dilotlele tseo ga tla thata ya go kana, a fa mpho ya Modimo e kgolo bogolo go bana ba Gagwe—botshelo jo bosakhutleng mo malwapeng ka tshwaraganyo mmogo ya go senang bokhutlo.

Ke tshono ya gore ngwana mongwe le mongwe wa Modimo yo a tlang mo lefatsheng a ka e amogelang. Bongwe mo borararong jwa mewa ya bana ba Gagwe e ganne tshono ya Gagwe mo lefatsheng la mewa. Mo go tlhokeng tumelo e e lekaneng e bile jalo ka tsuologo e e

mo phatthalatseng, ba itlhophela go se kitla ba itse boitumelo jwa mpho ya Rara wa Legodimo ya malwapa a bosakhutleng.

Go bao ba rona ba re pasitseng teko e botlhokwa mo lefatsheng la mewa e e sa sweng e bile re kgonne go amogela mpho ya mebele e e swang, tswetso e kgolo ya botshelo jo bosakhutleng ke ya rona go e dira. Fa re segofaditswe go bona efangele e e buseleditsweng, re ka itlhophela go dira le go tshegetsa dikgolagano le Modimo tse di re letlelelang go ya botshelong jo bosakhutleng. Jaa-ka fa re itshokela boikanyego, Moya o o Boitshepo o tlaa tlhomamisa tsholofelo ya rona le thokgamo gore re mo tseleng ya botshelo jo bosakhutleng, go tshela mo malwapa-peng ka go senang bokhutlo mo bogosing jwa selesetiale.

Go bangwe, boitumelo joo jwa bosakhutleng bo ka lebega bo bonyelela kgotsa le eleng bo sa bo na le go fa tsholofelo. Batsadi, Bana, bakaulengwe le bokgaisadi ba ka tswa ba dirile ditshwetso tse di lebegang di sa ba kgonise go nna le botshelo jo bosakhutleng. O ka tshwenyega gore a mme tota le gone o lekane ka Tefo ya ga Jeso Keresete.

Moporofiti wa Modimo o kile a mpha kgakololo e e neetseng kagiso. Ke ne ke tshwenyegile gore a ditshwetso tsa ba bangwe di ka dira gore go se kgonege gore lelwapa la rona le se nne mmogo ka go senang bokhutlo. O ne a re, “O tshwenyegile ka mathata a e seng o ne. O tshwane-tse go tshela o itekaneletse bogosi jwa selesetiale, e bile thulaganyo ya lelwapa e tlaa nna e e namatsang go feta jaaka o ka akanya.”

Go botlhe bao maitemogelo a bone kgotsa bao manya-
lo le bana—kgotsa a seong ka gone—a tsisang moruti mo godimo ga ditsholofelo tsa bone, Ke fa bopaki jwa me: Rara wa Legodimo o itse le go ba rata jaaka e le bana ba Gagwe ba mowa. Fa o ne o na le Ene le Morwa wa Gagwe o o Rategang pele ga botshelo jo, Ba beile mo pelong ya gago tsholofelo e o nang le yone ya botshelo jo bosakhu-
tleng. Ka thata ya Tefo ya ga Jeso Keresete e dira le ka Moya o o boitshepo o kaela, o ka ikutlwa jaanong e bile o tlaa ikutlwa mo lefatsheng le le tlang lorato la lelwapa ka fa Rara le Morwa wa Gagwe o o Rategang ba batlang o le amogelang.

Ke fa bopaki gore jaaka fa o tshela mo go itekaneletse bogosi jwa selesetiale, tsholofetso a seporofiti a gore “thulaganyo ya lelwapa e tlaa nna e e namatsang go feta jaaka o ka akanya” e tlaa nna ya gago.

GO RUTA GO TSWA MOLAETSENG O

Akanya ka go simolola ka go bolelela bao o ba rutang ka nako fa o ne o itumelela tsholofelo ya malwapa a bosakhutleng. Ba laletse go tlhatlhanya ka nako ya fa ba utlwa malebogo a malwapa a bosakhu-
tleng. Ba botse gore a ba ka rata go abelana O ka ba laletsa go akanya ka ditselana tsa go tlhabolola le go tshela mo go itekaneletseng thata bogosi jwa seleseti-
ale gore tsholofetso ya seporofiti ya “dithulaganyo tsa lelwapa . . . e tlaa nna e e namatsang go feta jaaka o ka akanya” e ka nna ya bone.

BANANA

Go Abelana Boitumelo jwa Bosakhutleng

Nngwe ya dilo tse di botoka thata tsa efangele ke kitso ya thulaganyo ya pholoso. Re na le sebaka se se kgalhisang go na le lelwapa la rona ka bosakhu-
tleng. Kitso e o e re thusa go nna le tsholofelo nako le nako re utlwa re fekeediwa ke lefatshe. Moporesidente Eyring o ruta, “Rara wa rona yo o re ratang wa Legodi-
mo o itse dipelo tsa rona. Maikaelelo a Gagwe ke go re neela boitumelo (bona 2 Nephi 2:25). Mme jalo o neela mpho ya Morwa wa Gagwe go kgonisa boitumelo jwa tshwaragano ya lelwapa e e tswelelang ka go senang bokhutlo. . . . Ke tshono ya gore ngwana mongwe le mongwe wa Modimo yo o tlang mo lefatsheng o ka amogea.”

Tshegofatso e e akaretsa bao ba rona re tshela jaa-
nong le bao ba ba tlhokafetseng—mme fela ka thuso ya rona. Badimo ba rona ba mo lefatsheng la mowa jaanong, ba re emetse go baakanya maina a bone go dira ditlhommo tsa tempele mo boemong jwa bone. Mme nako tse dingwe go ka nna thata go ba direla tiro. Re ka bo re tshwere ka natla, kgotsa re ka bo re nna kgakala le tempele go tsamaya kgapetsa kgapetsa.

Ka lesego, go na le ditsela dingwe tse re ka thu-
sang badimo ba rona, jaaka ka go dira tiro ya ditso tsa lelwapa, go intekesa, kgotsa go sala le ngwana fa batsadi ba rona ba ya tempeleng. Ka go thusa, re direla Morena le go tliša tsholofeo ya malwapa a bosakhu-
tleng go bao ba leng ko letlhakoreng le lengwe la sesiro.

Malwapa a Bosenang bokhutlo

Ka ntlha ya Tefo ya ga Jeso Keresete le puseletso ya dilotlele tsa boperesiti, re ka tshela le malwapa a rona ka go senag bokhutlo! O ratang eng ka lelwapa la gago? Sala morago dikaelo tse go dira keetane ya pampiri go ipelela lelwapa la gago.

1. Mena pampiri ka bogare gabedi gore o nne le e e telele e le nngwe.
2. Tshwantsha motho le matsogo a otlologetse fa bofelelo jwa momeno.
3. Kgaola le go ntsha motho. O seka wa kgaola fa matsogo a kgomang bofelelo jwa momeno.
4. E phutholole. Kwala kgotsa o tshwantshe sengwe seo se ratang ka leloko lengwe le lengwe la lelwapa.
5. Kgomaretsa keetane mmogo fa o na le lelwapa le le tona!



Go Tlamela Malwapa Mmogo

Ka thapelo ithute tiriso e mme o batle go itse gore o ka abelana eng. Go tlhaloganya "The Family: A Proclamation to the World" go ka godisa tumelo yame mo Modimong jang le go segofatsa bao o ba tlhokometseng ka thuto ya ketelo? Go bona molaetsa yo montsi, ya ko reliefsociety.lds.org.

Tumelo, Lelwapa, Thuso

Monna le mosadi ba na le maikarabelo a a tlhwaafetseng go ratana le go tlhokomelana go akaretsa le bana ba bone.¹ "Lelwapa le tshwanetse go nna ntlwana ya tshekatsheko ya lorato le tirelo ya Modimo," ga bua Moporesidente Russell M. Nelson, Moporesidente wa Khoramo ya Baaposetole ba ba Lesome Le Bobedi

"Rara wa rona wa Legodimo o batla banna le basadi go nna boikanyego mongwe go yo mongwe le go tsaana le go tsaya bana ba bone jaaka boswa go tswa go Morena."²

Mo Bukeng ya ga Momone, Jakobe o ne a re lorato le banna ba nang na lo go basadi ba bone, lorato le basadi ba nang na lo go banna ba bone, le lorato le botlhe ba nang na lo go bana e ne e le nngwe ya mabaka a go bo Balamanaetse ba ne ka nako nngwe ba siame go feta Banifaetse (see Jacob 3:7).

Tsela nngwe e e botoka thata ya go laletsa lorato le kagiso mo malwapeng a rona ke ka go bua mo go siameng go maloko a lelwapa

la rona. Go bua mo go siameng go tliša Moya o o Boitshepo. Kgaitšadi Linda K. Burton, Moporesidente wa kakaretso wa Mokgatlo wa thuso, o ne a re kopa go akanya: "Ke ga kae re ikeelela 'go buisana mafoko a a siameng?'"³

Dikwalo tse di boitshepo tse di tlaletsang

Romans 12:10; Mosiah 4:15; Doctrine and Covenants 25:5

Dipolelo tse di Tshelang

Mogolwane D. Todd Christofferson wa Khoramo ya Baaposetole ba ba Lesome le Bobedi o abelane maitemogelo a bonana a a tlogetseng botlhokwa jwa lelwapa le le ratanang. Fa ene le bakaulengwe ba gagwe e sa le basimane, maabone o ne a nna le loaro le le botlhokwa la kankere le le dirileng gore go nne botlhoko go dirisa letsogo la gagwe la moja. Ka lelwapa la basimane, go ne go tlhokega go gatisa diaparo mo gontsi, mme fa mmaagwe a gatisa, kgapetsa kgapetsa o ne a ema mme a ye

ko ntlwaneng ya borobalo go lela go fitlha botlhoko bo fokotsega.

Fa rraagwe Mogolwane Christofferson a lemoga se se neng se diragala, ka bongwefela a tlo disa go paka go fitlha go ya ngwangeng go boloka madi a a lekaneng go reka moshine o o dirileng go gatisa motlhofo. Ka lorato go mosadi wa gagwe, o ne a nna sekao sa go tlamela mo lelwapeng go basimane ba gagwe. Go tirisanyo e e rileng, Mogolwane Christofferson a re, "Ke ne ke sa itse setlhabelo sa ga rre le go dira ka lorato go mme ka nako eo, mme gone jaanong ke a itse, Ke a re go nna, 'Se ke monna.'"⁴

DINTLHA

1. "The Family: A Proclamation to the World," *Liahona*, Nov. 2010, 129.
2. Russell M. Nelson, "Salvation and Exaltation," *Liahona*, May 2008, 8.
3. Linda K. Burton, "We'll Ascend Together," *Liahona*, May 2015, 31.
4. D. Todd Christofferson, "Let Us Be Men," *Liahona*, Nov. 2006, 46.

Akanyetsa Se

Go rata le go tlhokomela mongwe ka o mongwe go laletsa jang Moya mo malwapeng a rona?